

CU140.205  
41  
新=1-2

# 陽信縣志

天津華世奎署簽



第一册

弁言序

新凡例

新舊姓氏

目錄

輿圖

卷之一

天文志

輿地志

72592

1-3

丙寅仲冬

# 陽信縣志

天津華世奎題



陽信縣志

陽信縣志序

朝邑武功勳靈壽三縣志  
為自本州邑志乘者  
河稱道至會稽章之  
高氏起諱明史法始著

陽信縣志

弁言

論作之獨於陸清秋多  
然有清秋理學名臣志  
以人重也及之論史學  
家法者多允章氏之  
說觀其所為湖北通志

叙例及州縣志諸例精  
深淵大洵有會于國神  
方智之旨以成一統之  
言蓋好學深思心知其  
意而難為悉聞淺識者

言之然則州邑志乘固  
與國史同條共貫顧不  
重與義例或外見聞  
異者每以爲良史其以  
善以擇善而徵信耶

陽信勞君遜五謀脩其  
邑志邑中賢士大夫相  
與贊心巷之勞君玉初實  
總纂公脩之任積六七年  
始成書其用力可謂勤

矣遜五來之弁言吾知  
玉初宿學通浚富於著  
述其必有以合乎章氏  
之說足供國史之材料  
豈僅如朝邑諸志之取

譽一時也哉天津徐世昌



陽信縣志

弁言

序

事有因而類於創述而更難於作者非賢  
豪有志之士孰克舉之郡縣之志比於國  
史則微矣然自來修史者非廣徵而博采  
於此蒐討而取材焉不為功吾魯陽信之  
設縣也肇於漢改置於隋後今治於宋欽  
風之鎮流波之務桑落之墅在焉其大川  
巨浸則鉤盤馬頰故道之所經其遺迹猶

陽信縣志

并言

可得而考也邑舊有志明徐公九皋實始  
為之厥後宰是邑者迭為修補自清乾隆  
中葉以後失修迄今一百六十餘年無起  
而繼之者吾友勞遜五次長憂之以為志  
乘不備固地方有司之責亦邦人士所當  
有事也爰倡率集資商之前縣宰朱君蘭  
聘其族長老玉初先生暨同邑之博學能  
文者稽攷故實遠紹旁搜逾兩年而成書

又越五年而付之梓於是百數十年之遺聞墜緒廢而不能舉者乃復臻於完備刊將竣走書徵序於余余受而讀之例詳於前事增於舊文斐然而可觀取公私諸家之章牘紀載比事屬辭而一準之史例猗歟美已抑余有感焉近世士大夫以官為家方其煊赫時侈然談天下之務一若六合之大無不茹納於懷抱者及叩以其鄉

陽信縣志

弁言

縣之事則瞠然不知所對將所謂數典而忘祖者非耶邈五昔居籍時嘗為山東三游河工總辦疏濬濬治苦神焦思工速而費省舉吾省積年之河患而一蠲之其造福於桑梓者功已偉矣今又出其餘緒而施之於邑志俾墜者復續闕者復完其亦能務本而志於久遠者矣海寰耄耄之年得覩斯舉知吾魯之大有人也遂欣然弁

言簡端而以歸之

丙寅十有一月掖縣呂海寰序

時年八十有五



陽信縣志

弁言

## 陽信縣志序

古者列國各有史掌記時事自封建之制亡而史廢然郡縣猶有志則其遺意也陽信之爲縣千幾百年矣而志無成書一邑之故湮沒而不傳余爲此懼乃於退食之餘周咨旁考爰作九志夫聖神御極體國經野故志地理疆理旣宜分職以治故志職官敷職陳教因革偕時故志建置節力薄征生民乃遂故志貢賦祈報由弭民居迺奠故志祠祀化民易俗教學爲先故志學校教化旣修譽髦斯作故志選舉登庸功立觀化俗成故志人物多聞建事學古有獲故志文籍嗚呼結繩室而書契興大道隱而春秋作故曰書契之文不若結繩之易治春秋之正不若大道之無言雖然時

### 陽信縣志

序

一

有升降政有沿革明道紀事彰善癉惡非志記其奚以哉徒以言愧無文行懼匪遠爾

嘉靖十年秋九月朔知陽信縣事姚江徐九臯遠卿甫識

重修陽信縣志序

夫志爲一邑實錄以備觀覽以徵文獻所補於風教者非細也陽信爲海岱間名區志則嘉靖初徐尹所修者今計之已六十餘年矣邇來科第之炳烺官師之淑慝人物之臧否風土之變易賦役之輕重戶口之增損孝義忠節之表著舉未有載焉茲非缺典也歟哉修志實我有司事顧案牘日勞何暇把筆乃以纂修屬之趙明經以其學博而功暇也明經初遜不敏余再屬之旣而欲分其任余又專屬之辭弗獲乃開局纂修焉遠則稽近則述舊志可採則採劉別駕所修者可錄則錄殫力研精摘藻揆華於凡事切民物禮出典常教關風化政係要害者則章章載又章章論也書旣

陽信縣志

序

二

成分爲二帙余乃捐俸募梓間綴小序以引其端茲志可傳與否在方家自有鑒別然而巨細兼收雅俗並列一開卷而陽信瞭然如在目前則邑之實錄此亦庶乎足備云

萬歷十有三年歲在乙酉冬月知陽信縣事牟陽朱大紀撰

重修陽信縣志序

大同武世舉撰

陽信屬濟南稱名邑舊時無志自嘉靖初徐尹始修其規制乃略具云萬歷癸未朱尹敦請清波趙公纂修公信博雅君子也重朱尹請授簡一書類別二帙哀然成信邑乘不佞世舉承乏茲土三年矣每會州縣譚志者咸嘖嘖稱信蓋藉光多矣計自朱公重修迄今十餘載其間官師科第賦稅徭役人物藝文未載志者難以悉數於今不續後將何稽典章有缺守土者安得辭其責於是僭僚屬及師生復請趙公公以老且疾辭舉懇之曰信志非公原筆乎於是續修功可不煩而就公不執筆誰復任其事辭弗獲五閱月而修完舉乃付之剞劂氏爲數語僭引其端夫志欲詳弗詳弗

陽信縣志

序

三

備也志欲文弗文弗工也清波有良史才又兼苦心廣詢故老以補其缺遠稽羣籍以核其實凡所爲考爲志爲表爲傳爲雜錄體裁迥異前修事蹟所增者益詳且備其一時名公詩文有關信邑者盡收志中炳炳烺烺若日星森列可以備觀省可以徵文獻一時實錄百世章程舉所幸以藉光也甯有旣哉是志也成於萬歷己亥歲夏四月開局總裁則趙公任之邑廣文三君署教諭張國光訓導宋德亨羅萬象咸與有事焉

重修陽信縣志序

陽信志既成予乃進多士於庭共翻閱之而檢之曰是役也屬辭比事予則有之訪遺逸羅舊聞此諸君子之力予何敢居然予竊有進志十卷卷各以類民生之疾痛係焉閭井之盛衰著焉政治之得失備焉舉筆欲書哀鴻頽尾宛然在目憂從中來矣譜建置則憂夫九河故道早先槁而滯先浸也譜田賦則憂夫原額攤荒責在官而累在民也風俗漸薄則有游士游民之憂禮文多墜則有踰閑越制之憂官箴有飭也而循良者幾何士鼎自愛也而懿行者綿邈則益憂摧膚竭髓操心駭目弔古者感慨於遺編衡今者致傷於躍治予固拙而鮮效哉其不能家至而戶曉者諸君子

陽信縣志

序

四

亦共爲維持之築堤者衆人決而一人塞則決者退矣樹木者衆人掘而一人培則掘者阻矣諸君子盍思王彥方管幼安陳仲弓若而人乎布疋可遺汲器可置梁上人可誨而鄉黨相勸於善彼非有化民成俗之責而所感者已速於置郵捷於桴鼓諸君子行將自家而鄉而國而天下可汶汶焉如予之不德哉多士曰因令而後行者政也不言而默喻者德也化之成也其源自上信之民非怙侈而長慢也其秀者敦詩書樸者服田疇非強梗而難治也而失業者遷徙無常貿利者趨死如鶩大率貧驅之耳夫里居而比處宗族聚焉婦子甯焉親戚廬墓在焉自非冥頑樂禍之人迫之以去情篤而不忍怵之以刑畏罪而不犯也獨貧也切其身昏

其智移易其心思世之所謂大害者彼則引以爲利焉矣今聖天子惠養元元念三齊爲京師藩輔簡大賢以爲重臣監司牧伯及於守令無不慎擇其人民隱達矣獨陽信一邑呻吟呼籲猶不得上聞豈見之未真而籌之未熟哉座有泣者則歌者停聲舟有溺者則載者濡首不相告語而應之矣今此志也已若繪圖而陳情告之當事上之國史吾陽信之民疾在賸理而適遇良醫庶幾有瘳乎予聞而惻然多士退遂紀其言於簡端

康熙二十一年歲次壬戌孟冬之吉文林郎知陽信縣事蘭陵周虔森天子甫撰

重修陽信縣志序

志者誌也誌其盛亦誌其實也夫既誌其盛而又必誌其實則志  
洵有未易言矣今試志戶口而撫循嘆咻之無術澤之鴻難言桑  
之雉也志賦役而飛灑侵隱之未除魚之網未免鴻之罹也閉閣  
而思者幾事鼠雀非虞芮之成開門而撫者幾人牛羊無隘巷之  
字泮林鷹化乎多士鸞鷟乎虎渡河而危不吠否也信能行此數  
者採之太史則爲淳風垂之志乘則爲實錄非然者徒爲紙上之  
談兵空中之樓閣而已志固未易言也陽信舊誌修於康熙之二  
十一年其所言俗尙耕織士崇經術亦所謂誌其實者歟惜及今  
六十餘載板或殘缺字多漫滅又二十一年以後法制彌新典章

陽信縣志

序

六

大備如秩祀之崇隆郡邑之改隸衢歌巷舞感盛世之滋生樂備  
禮明皆太平之黼黻日增月盛美不勝書天民承乏以來卽思續  
成書以光郅治而鉛刀初割固陋寡聞誠恐民情風土未盡週知  
撫字催科未盡得當游惰未盡歸農刀劍未盡買犢子衿未盡改  
城闕之風多士未盡有茅茹之慶惴惴憂懼恐隳乃職惟是宣上  
德意期吾民爲唐虞三代之民而民亦奉上德意數年以來雖不  
敢曰比戶可封而賦歛之額旣已清石壕之吏旣已除土地田疇  
旣已闢其士君子旣已炳炳而麟麟文章科目宦績旣已卓卓而  
可紀藐諸小吏非有智誘術御之爲而能使百姓歡欣鼓舞以臻  
於阜生正德之休者皆聖天子休養生息涵煦百年之深也於是

考故府之典冊述遺老之傳聞纂集成書於地輿見山川草木有輝光焉於五行見堯水湯早有惕厲焉於職官見大法小廉威咫尺焉於學校見尊師重道倫大明焉雖邑乘紀載無多而隨事掇拾可以見聖德神功垂之載籍而無窮形爲歌咏而不朽卽百里小臣亦得藉天子之光而述所職因與此邦父老同歌德化之成也豈不盛哉或謂志猶史也史有三長談非容易然而敲章琢句鬪靡誇多則有專家在若夫紀一邑之事成一邑之書實而有據信而可徵則固有司之事也其敢以簿書之吏辭

乾隆九年歲次甲子仲春文林郎知陽信縣事加三級紀錄五次  
宜城邱天民次衡甫撰

重修陽信縣志序

課吏者曰有治人不患無治法而吾謂有治法亦因有治人蓋法以人行人以法著均之不可偏廢也夫入其國而政可知是故登田賦而知撫字催科之有方也瞻學校而知興賢育才之有自也披職官而知大法小廉考鑒不遠也覽人物而知激濁揚清因革從宜也舉凡政治民生諸大事罔不畢具而瞭如指掌故循良之績不出簡編之中而誌之修廢政之得失因之誌顧不綦重哉陽信舊志修於康熙壬戌之歲迄今垂八十載舊板模糊殘缺况月異而歲不同典章法制類多前所未備前任邱君天民於乾隆九年雅意重修訂有底草會調任滕陽未果而去允深蒞任以來恐

陽信縣志

序

八

其久而愈湮後將不可復爲也思有以纂續而勒爲成書者久之顧以固陋寡聞未敢輕出也會戊寅春署篆惠民郡伯赫公命曰武定自改州設府以來未嘗刊有郡誌汝攝篆首邑盍不倡始以襄盛典允深隨奉檄倡捐廉俸並移會各寅屬刻期設立誌院迨請名宿次第具舉今且將次告竣夫忽近而圖遠鮮不蹈無田所譏且向所謂聞見未周者今已十得其七八矣嗣與兩廣文沈君佐清王君式軾及少府沈君楷分遣多士訪羅舊聞捫拾故事苦心焦慮五閱月而成遂使八十載將墜之緒前十年邱君未竟之功一旦犁然畢舉付之剞劂以永垂不朽而允深七年來所設誠致行者亦得稍紓重負矣迺人之睹是編者咸以爲余賀余曰工